

**Karta hisobini ochish hamda UZCARD Moment bank kartasini chiqarish, ulash,
faollashtirish va unga xizmat ko'rsatish uchun mo'ljallangan raqamli ilova**

Ushbu bilan men O'zbekiston Respublikasining milliy valyutasida Karta hisobvarag'ini ochish, unga UZCARD to'lov tizimining UZCARD Moment bank kartasini birlashtirish, ko'rsatilgan kartani faollashtirish va undan "Tenge Bank" ATB shartlarida foydalanish niyatimni tasdiqlayman.

UZCARD Moment bank kartasini faollashtirish uchun men Tenge24 mobil ilovasida ro'yxatdan o'tishimni, Bank tomonidan belgilangan tartibda identifikatsiya va/yoki autentifikatsiyadan o'tishimni, shundan so'ng UZCARD Moment bank kartasi ma'lumotlarini, jumladan karta raqami va uning amal qilish muddatini mustaqil ravishda kiritishimni yoki agar bunday imkoniyat Bank tomonidan taqdim etilgan bo'lsa, ko'rsatilgan ma'lumotlarni mobil qurilmaning kamerasi orqali taqdim etishimni tasdiqlayman.

Ilтимos, Bank ushbu raqamli ariza asosida:

1. UZCARD Moment bank kartasiga xizmat ko'rsatish uchun menga O'zbekiston Respublikasi milliy valyutasida Karta hisobvarag'ini ochish;

2. men ko'rsatgan UZCARD Moment bank kartasini ochilgan Karta hisobvarag'iga bog'lash;

3. Tenge24 mobil ilovasi orqali UZCARD Moment bank kartasini faollashtirish imkoniyatini ta'minlash;

4. Bank tomonidan belgilangan tartibda UZCARD Moment bank kartasi bo'yicha PIN-kodni o'rnatish imkoniyatini ta'minlash;

5. UZCARD Moment bank kartasi orqali mavjud elektron bildirishnomalarni, jumladan, Tenge24 mobil ilovasida men tomonidan tasdiqlangan mobil telefon raqamiga SMS-xabarnomalarni ulash;

6. Tenge24 mobil ilovasining "Kartalar" bo'limida faollashtirilgan UZCARD Moment bank kartasini aks ettirish.

UZCARD Moment bank kartasi yuz tomonida mening ismim va familiyam ko'rsatilmagan tezkor nomsiz karta ekanligini tasdiqlayman. Bunda ko'rsatilgan karta Bank tomonidan mening nomimga rasmiylashtiriladi, Karta hisobvarag'imga bog'lanadi va Ommaviy oferta shartnomasi, Universal shartnoma, Bankning amaldagi tariflari, UZCARD to'lov tizimi qoidolari hamda O'zbekiston Respublikasi qonunchiligi talablari asosida xizmat ko'rsatiladi.

Men qo'lda kiritgan yoki mobil qurilmaning kamerasi orqali olingan UZCARD Moment bank kartasi ma'lumotlari ishonchli ekanligini va qonuniy asosda menda saqlanayotgan plastik karta ma'lumotlariga mos kelishini tasdiqlayman.

Men Tenge24 mobil ilovasida ko'rsatgan va/yoki tasdiqlagan mobil telefon raqamim menga tegishli ekanligini va Bank tomonidan UZCARD Moment bank kartasini chiqarish, birlashtirish, faollashtirish va unga xizmat ko'rsatish bilan bog'liq bir martalik kodlar, SMS-xabarnomalar, PUSH-xabarnomalar va boshqa elektron xabarlarni yuborish uchun foydalanilishi mumkinligini tasdiqlayman.

Men tasdiqlagan mobil telefon raqamiga Bank tomonidan yuborilgan bir martalik kodni kiritish, shuningdek, PIN-kodni keyinchalik o'rnatish va qayta tasdiqlash UZCARD Moment bank kartasini faollashtirish va undan foydalanishni boshlash istagimni tasdiqlovchi ongli harakatim ekanligini tasdiqlayman.

Faollashtirish jarayoni muvaffaqiyatli yakunlangandan so'ng, UZCARD Moment bank kartasi faollashtirilgan, karta hisobvarag'i ochilgan va kartaga bog'langan, PIN-kod o'rnatilgan deb hisoblanadi hamda kartadan Tenge24 mobil ilovasida va Bank tomonidan ko'zda tutilgan boshqa xizmat ko'rsatish kanallarida foydalanish imkoniyati paydo bo'lishini tasdiqlayman.

UZCARD Moment bank kartasi faollashtirilgandan so'ng, men undan kundalik hisob-kitoblar, tovarlar, ishlar va xizmatlar uchun to'lovlar, pul o'tkazmalarini amalga oshirish, internetda xaridlar uchun to'lovlar, naqd pul mablag'larini kiritish va olish, shuningdek, Bank, Ommaviy shartnoma-oferta, Bank tariflari, UZCARD to'lov tizimi qoidalarini va O'zbekiston Respublikasi qonunchiligida nazarda tutilgan boshqa operatsiyalar uchun oddiy bank kartasi sifatida foydalanishim mumkinligini tasdiqlayman.

"Tenge Bank" ATBda jismoniy shaxslar uchun chiqarilgan milliy va xorijiy valyutadagi bank kartalariga xizmat ko'rsatish bo'yicha ommaviy shartnoma-oferta shartlari, "Tenge Bank" ATBda jismoniy shaxslarga xizmat ko'rsatish bo'yicha universal shartnoma, Bankning amaldagi tariflari, UZCARD Moment bank kartasiga xizmat ko'rsatish shartlari, UZCARD to'lov tizimi qoidalarini, shuningdek, Tenge24 mobil ilovasi va Bankning DBO tizimidan foydalanish shartlari bilan tanishib chiqqanimni va ularga roziligimni tasdiqlayman.

Bankka Karta hisobvarag'ini ochish, UZCARD Moment bank kartasini ulash, faollashtirish, unga xizmat ko'rsatish, elektron bildirishnomalarni ulash, karta bo'yicha operatsiyalarni amalga oshirish, O'zbekiston Respublikasi qonunchiligi talablarini, UZCARD to'lov tizimi qoidalarini va Bankning ichki tartib-qoidalarini bajarish maqsadida shaxsiy ma'lumotlarimni to'plash, saqlash, tekshirish, qayta ishlash, foydalanish va uzatishga rozilik beraman.

Men Tenge24 mobil ilovasi orqali Bank tomonidan taqdim etilgan identifikatsiya va/yoki autentifikatsiya usullaridan foydalangan holda, shu jumladan bir martalik kod, PIN-kod, biometriya yoki boshqa tasdiqlash usulini kiritgan holda tasdiqlagan ushbu raqamli ariza mening elektron xohish-irodam ekanligini va qog'ozda rasmiylashtirilgan hamda o'z qo'lim bilan imzolangan ariza bilan teng yuridik kuchga ega ekanligini tasdiqlayman.

Ushbu raqamli arizani elektron tarzda tasdiqlashim Karta hisobini ochish, UZCARD Moment bank kartasini biriktirish, uni faollashtirish, PIN-kodni o'rnatish, elektron bildirishnomalarni ulash va Bank tomonidan karta xizmati ko'rsatilishini davom ettirish uchun asos bo'lishini tasdiqlayman.

UZCARD Moment bank kartasi, Tenge24 mobil ilovasiga kirish huquqi, PIN-kod, bir martalik kodlar, biometrik ma'lumotlar, karta ma'lumotlari va boshqa identifikatsiya va/yoki autentifikatsiya vositalarining xavfsizligini mustaqil ravishda ta'minlash, shuningdek ularni uchinchi shaxslarga bermaslik majburiyatini olaman.

UZCARD Moment bank kartasi muvaffaqiyatli faollashtirilgunga qadar nafaol yoki bloklangan holatda bo'lishi mumkinligini, u bo'yicha operatsiyalarni esa faqat Bank tomonidan belgilangan tartibda faollashtirish jarayoni yakunlangandan so'ng amalga oshirish mumkinligini tushunaman va bunga rozilik bildiraman.

Shuni tasdiqlaymanki, Bank Ommaviy oferta shartnomasida, Universal shartnomada, O'zbekiston Respublikasi qonunchiligida, MJT/TMQ talablarida, sanksiya nazoratida, Bankning ichki tartib-qoidalarida nazarda tutilgan hollarda, shuningdek, texnik cheklovlar mavjud bo'lganda yoki kartadan noqonuniy foydalanilganligi haqida shubha tug'ilganda, UZCARD Moment bank kartasini ochish, ulash, faollashtirish yoki unga xizmat ko'rsatishni rad etish huquqiga ega.

Tenge24 mobil ilovasida "UZCARD Momentni faollashtirish," "Davom etish," "Tasdiqlash," "PIN-kodni o'rnatish," "Kartani faollashtirish" tugmalarini yoki boshqa shunga o'xshash ekran tugmalarini bosish orqali men ushbu raqamli arizani topshirganimni, uning shartlariga roziligimni tasdiqlayman va Bankka ushbu arizada ko'rsatilgan harakatlarni bajarishni topshiraman.